

Mieres convoca'l XXXII Premiu Teodoro Cuesta de Poesía n'asturianu, dotáu con 4.000 euros

MIERES, 19/09/2023.- El Conceyu Mieres, pente medies de la conceyalía de Normalización Llingüística que dirixe Belén Alonso, informa de que'l Boletín Oficial del Principáu d'Asturies (BOPA) publicó güei, 19 de setiembre, l'extractu de la convocatoria del Premiu Teodoro Cuesta de Poesía en llingua asturiana na so XXXII edición. Trátase d'un de los galardones más emponderaos de la poesía n'asturianu, dotáu con un premiu de 4.000 euros. Según consta nes bases, podrán participar toles persones que lo deseen con un poemariu inéditu, orixinal y escritu en llingua asturiana. Estos trabayos –orixinal y cuatro copies–entregaránse, firmaos con alcuñu o lema y con sobre zarráu colos datos y breve biografía del autor o l'autora, por corréu postal a la Secretaría de la Casa de Cultura de Mieres o pente medies de la Oficina del Rexistru Xeneral Municipal del Conceyu de Mieres.

El plazu de presentación de los poemarios sedrá de 15 díes hábiles a cuntar dende la publicación d'esta convocatoria. Tola información pue consultase nes bases, publicaes nel BOPA el 27 de setiembre de 2022 y también nel enllaz de la web municipal: www.mieres.es/cultura/concursos-certamenes-premios/premiu-teodoro-cuesta-poesia/

El Premiu Teodoro Cuesta cuenta nel so palmarés con autores de prestixu de les lletres asturianas como Berta Piñán, Xuan Bello, Lourdes Álvarez o Vanesa Gutiérrez.